

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XV)16

**SOALAN BERTULIS OLEH AHLI KAWASAN BAYAN LEPAS
YB. AZRUL MAHATHIR BIN AZIZ**

16. Sejauh manakah keberkesanan Program Titian Saksama Rakyat (PTSR)?
- (a) Berikan perangkaan terkini. Sebaiknya PTSR ini dijenamakan dengan bahasa yang mudah difahami oleh orang awam seperti Program Bantuan Usahawan atau Tabung Amanah Usahawan Terpilih (TAUT).

**YB. DATO' HAJI ABDUL HALIM BIN HAJI HUSSAIN
MENJAWAB BAGI PIHAK Y.A.B. KETUA MENTERI**

16. Program Titian Saksama Rakyat (PTSR) Negeri Pulau Pinang yang bermula sejak tahun 2009 adalah satu program yang berkesan dalam menyalurkan modal tambahan kepada usahawan dan anak muda Negeri Pulau Pinang.

Pinjaman mikrokredit yang disalurkan melalui Perbadanan Pembangunan Pulau Pinang (PDC) tanpa sebarang cagaran dan penjamin dengan jumlah pinjaman antara RM2,000.00 hingga RM25,000.00 kepada pemohon berumur 18 hingga 60 tahun menetapkan tempoh bayaran balik antara 2 hingga 3 tahun. Walau bagaimanapun, kemudahan pinjaman ini dihadkan kepada usahawan yang telah berniaga melebihi 6 bulan sahaja. Sehingga Jun 2018, sejumlah RM14.77 juta telah diagihkan kepada 2,974 orang usahawan. Ini menunjukkan keberkesanan PTSR.

- (a) Data perangkaan terkini Skim Pinjaman Harapan (SPH) adalah seperti di **Lampiran A**. PTSR telah dijenamakan semula dan

kini dikenali sebagai SPH Negeri Pulau Pinang mulai pada 6 April 2018.